



Broj: 11-11-2-3027/25

Datum: 24.11.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovine („Službene novine Federacije BiH“ broj 81/14), člana 70. stav (4) i člana 72. stav (3) tač. e) i f) Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije,

d o n o s i

ODLUKU

o poništenju postupka javne nabavke „Nabavka i sukcesivna isporuka guma“

I.

Prihvata se prijedlog Komisije za provođenje konkurentskih i pregovaračkih postupaka nabavke, te se van snage stavlja Odluka o izboru najpovoljnijeg ponuđača u postupku javne nabavke „Nabavka i sukcesivna isporuka guma“, broj: 11-11-2-3027/25 od 02.10.2025. godine, kojom je ugovor za navedenu nabavku dodijeljen ponuđaču „UNITRADE“ d.o.o. Ljubuški (čija cijena ponude iznosi 2.570,75 KM bez PDV-a) i postupak se poništava.

II.

Za izvršenje Odluke zadužuje se Sektor za finansije i javne nabavke.

III.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

IV.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka i sukcesivna isporuka guma“, broj Obavještenja o javnoj nabavci: 1412-7-1-260-3-163/25 od 18.09.2025. godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 2.730,13 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka ugovornom organu data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalificiranosti ponuđača, o čemu

je sačinjen odgovarajući zapisnik, u kojem je utvrđeno da je blagovremeno zaprimljena jedna ponuda, i to od ponuđača „UNITRADE“ d.o.o. Ljubuški, te da nije bilo neblagovremeno zaprimljenih ponuda.

Vršeći matematičku analizu ponude, utvrđena je računska greška u istoj, te je aktom broj: 11-11-2-3027/25 od 01.11.2025. godine, od ponuđača zatražena saglasnost za ispravku računске greške. Ponuđač je aktom od 01.10.2025. godine potvrdio postojanje računске greške odnosno prihvatio korekciju ukupnog iznosa ponude.

Komisija je konstatovala da je ponuda ponuđača „UNITRADE“ d.o.o. Ljubuški (broj: 2309/2025) formalno-pravno prihvatljiva i da ispunjava sve uvjete iz tenderske dokumentacije.

U skladu sa kriterijumom za dodjelu ugovora u konkretnom postupku nabavke - najniža cijena, Komisija je ugovornom organu dala preporuku da se za predmetni postupak javne nabavke ugovor dodijeli ponuđaču „UNITRADE“ d.o.o. Ljubuški, čija cijena ponude iznosi 2.570,75 KM bez PDV-a, na osnovu koje je donesena Odluka o izboru najpovoljnijeg ponuđača u postupku javne nabavke „Nabavka i sukcesivna isporuka guma“, broj: 11-11-2-3027/25 od 02.10.2025. godine.

Aktom Sektora za finansije i javne nabavke, broj: 11-19-11-2-3027/25 od 05.11.2025. godine, Komisiji je dostavljena informacija da su ugovori koji su dostavljeni odabranom ponuđaču („UNITRADE“ d.o.o. Ljubuški) vraćeni nepotpisani bez obrazloženja razloga odustajanja od potpisivanja ugovora.

Shodno tome, a imajući u vidu da je u predmetnom postupku zaprimljena samo jedna ponuda odnosno da ne postoji drugorangirani ponuđač, Komisija je dala preporuku ugovornom organu da se van snage stavi Odluka o izboru najpovoljnijeg ponuđača u postupku javne nabavke „Nabavka i sukcesivna isporuka guma“, broj: 11-11-2-3027/25 od 02.10.2025. godine, kojom je ugovor za navedenu nabavku dodijeljen ponuđaču „UNITRADE“ d.o.o. Ljubuški (čija cijena ponude iznosi 2.570,75 KM bez PDV-a), te da se postupak poništi.

Na osnovu naprijed navedenog, a primjenjujući odredbe člana 69. stav (1) tačka b), člana 70. stav (4) i člana 72. stav (3) tač. e) i f) Zakona o javnim nabavkama, odlučeno je kao u dispozitivu Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od pet (5) dana od dana prijema ove Odluke.

DOSTAVITI:

- Sektor za finansije i javne nabavke,
- Ponuđaču;
- a/a.-

**V.D. DIREKTOR
(Načelnik SKP-a)
GLAVNI INSPEKTOR**

Enes Zeljković

